



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

Broj: 01-GV-02-1347/21  
Sarajevo, 27.10.2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na Sedmoj sjednici održanoj dana 27.10.2021. godine, usvojilo je

Izveštaj o primjeni Odluke o upotrebi grba, imena i isticanju zastave Grada Sarajeva.

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Grad Sarajevo**  
**GRADONAČELNICA**

*IZVJEŠTAJ*  
*o primjeni Odluke o upotrebi grba, imena i isticanju zastave*  
*Grada Sarajeva*

*Sarajevo, oktobar 2021. godine*

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## **IZVJEŠTAJ**

### **o primjeni Odluke o upotrebi grba, imena i isticanju zastave Grada Sarajeva**

#### **Uvodne napomene**

Odlukom Gradskog vijeća Grada Sarajeva o upotrebi grba, imena i isticanju zastave Grada Sarajeva („Službene novine Kantona Sarajevo“, broj 05/06 – prečišćeni tekst) propisani su uslovi za odobravanje upotrebe grba i imena te isticanje zastave Grada Sarajeva.

Obzirom da je Odlukom o organizaciji i djelokrugu organa uprave i upravne organizacije Grada Sarajeva („Službene novine Kantona Sarajevo“, broj 7/07), nadležnost na provođenju Odluke o upotrebi grba, imena i isticanju zastave Grada Sarajeva prenijeta na Gradsku službu za opću upravu, to je Gradsko vijeće Grada Sarajeva donijelo Odluku o izmjenama Odluke o upotrebi grba, imena i isticanju zastave Grada Sarajeva („Službene novine Kantona Sarajevo“, broj 33/07). Na sjednici održanoj 29.05.2019. godine, Gradsko vijeće Grada Sarajeva donijelo je Odluku o dopunama Odluke o upotrebi grba, imena i isticanju zastave Grada Sarajeva („Službene novine Kantona Sarajevo“, broj 25/19).

Shodno Programu rada Gradskog vijeća Grada Sarajeva za 2021. godinu, Izvještaj će u sadržajnom smislu dati kraći pregled sa podacima o podnesenim zahtjevima te donesenim rješenjima u skladu sa Odlukom o upotrebi grba, imena i isticanju zastave Grada Sarajeva.

#### **Aktivnosti na rješavanju podnesenih zahtjeva u periodu oktobar 2020. godine – oktobar 2021. godine**

U izvještajnom periodu podneseno je ukupno 5 zahtjeva za odobravanje upotrebe grba i imena Grada Sarajeva, a rješavani su kako slijedi:

1. Rješavajući zahtjev pravnog lica „Fabrika duhana Sarajevo“ d.o.o. Sarajevo, gradonačelnik je, na prijedlog Službe, 01.10.2020. godine donio Rješenje o stavljanju van snage Rješenja gradonačelnika Grada Sarajeva, broj 01-05-6114/09 od 16.10.2009. godine. Naime, Fabrika duhana Sarajevo obavijestila je Grad Sarajevo da je izvršila preregistraciju kod nadležnog suda te da više ne koristi ime Grada Sarajeva u svom nazivu, jer je preregistracijom došlo do promjene naziva pravnog lica u „BADECO ADRIA“ d.d. Sarajevo. Uvidom u dostavljeno Rješenje Općinskog suda Sarajevo, broj 065-0-Reg-18-005244 od 26.12.2018. godine, konstatovano je da je naziv navedenog pravnog subjekta „BADECO ADRIA“ d.d. Sarajevo. Gradonačelnik je shodno navedenom, uzimajući u obzir da navedeni pravni subjekt ne koristi ime Grada Sarajeva u svom nazivu, a na osnovu člana 76. stav 1. Statuta Grada Sarajeva, kojim je, pored ostalog, propisano da gradonačelnik donosi pojedinačne akte koji se odnose na upravno rješavanje, donio navedeno rješenje.

2. Rješavajući zahtjev Udruženja „Alumni Treće gimnazije Sarajevo“, gradonačelnica je, na prijedlog Službe, 19.04.2021. godine donijela Rješenje o odobravanju upotrebe imena Grada Sarajeva u nazivu tog pravnog lica. Upotreba imena Grada Sarajeva odobrena je uz obavezu plaćanja godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

3. Rješavajući zahtjev Fondacije za zaštitu i promociju zajedničkog nasljeđa Sarajeva, gradonačelnica je, na prijedlog Službe, 30.04.2021. godine donijela Rješenje o odobravanju upotrebe imena Grada Sarajeva u nazivu tog pravnog lica. Upotreba imena Grada Sarajeva odobrena je uz obavezu plaćanja

godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

4. Rješavajući zahtjev pravnog lica SA Card društvo sa ograničenom odgovornošću, gradonačelnica je, na prijedlog Službe, dana 24.08.2021. godine donijela Rješenje kojim se navedenom pravnom licu odobrava upotreba grba Grada Sarajeva kao nezaštićenog znaka i kao amblema ili ukrasa, kao i upotreba imena Grada Sarajeva na promotivnim, reklamnim materijalima, portalu i svim drugim materijalima koji će biti korišteni prilikom njihove redovne djelatnosti. Pravnom licu Turistička agencija SA Card društvo sa ograničenom odgovornošću iz Sarajeva odobrena je upotreba grba kao nezaštićenog znaka i kao amblema ili ukrasa i to na promotivnim, reklamnim materijalima i svim drugim materijalima koji će biti korišteni prilikom njihove redovne djelatnosti u skladu sa odredbom člana 5., 6. i 10. Odluke o upotrebi grba, imena i isticanju zastave Grada Sarajeva, a kojim je, pored ostalog, propisano da se upotreba grba Grada Sarajeva može odobriti pravnim licima ako je to u interesu Grada Sarajeva te se isti mora upotrijebiti u izvornom obliku. Upotreba imena Grada Sarajeva odobrena je u skladu sa odredbom člana 7. Odluke o upotrebi grba, imena i isticanju zastave Grada Sarajeva, kojim je, pored ostalog, propisano da se upotreba imena Grada Sarajeva može odobriti pravnim licima radi unošenja u firmu, odnosno naziv pravnog lica i u naziv proizvoda, ako njihova djelatnost ne narušava ugled Grada Sarajeva, a po ispunjavanju uslova za odobrenje upotrebe imena Grada Sarajeva. Upotreba grba i imena Grada Sarajeva odobrena je uz obavezu plaćanja godišnje naknade u iznosu od 720,00 KM, a što je određeno u skladu sa članom 17. stav 1. Odluke o upotrebi grba, imena i isticanju zastave Grada Sarajeva kojim je, pored ostalog, propisano da se pravnim licima koja ostvaruju pozitivne poslovne rezultate, imaju mali obim poslovanja, produktivnosti i dobiti, a koja zapošljavaju do 10 radnika utvrđuje godišnja naknada za upotrebu grba ili imena Grada Sarajeva u iznosu od 720,00 KM.

5. Rješavajući zahtjev Udruženja za promociju sporta i razvoja „Marathon“, gradonačelnica je, na prijedlog Službe, 27.08.2021. godine, donijela Rješenje o odobravanju upotrebe imena Grada Sarajeva u nazivu redovnih aktivnosti udruženja, a u skladu sa članom 18. Odluke o upotrebi grba, imena i isticanju zastave Grada Sarajeva, bez plaćanja naknade za upotrebu imena Grada, obzirom da je na osnovu dostavljene dokumentacije, utvrđeno da se radi o pravnom licu koje obavlja djelatnost od posebnog društvenog interesa i posebnog interesa za Grad Sarajevo. Naime, djelatnost ovog udruženja je sportska djelatnost koja je nesporno djelatnost od posebnog društvenog interesa, jer promoviše sportske vrijednosti i sport kao oblik zdravog življenja, naročito na međunarodnom planu i utiče u pozitivnom smislu na stil i kvalitet života svih građana. Također, Udruženje će kroz svoje djelovanje i djelovanje bivših i sadašnjih istaknutih i uzornih sportista njegovati tradiciju organizacije ovog sporta u našem gradu i organizovati sportske manifestacije koje će u svom predznaku imati naziv „Sarajevski“.

Nakon okončanja postupaka po svim gore navedenim zahtjevima za upotrebu grba i imena Grada Sarajeva, obavljena je primopredaja odgovarajućeg broja primjeraka donesenih rješenja podnosiocima zahtjeva na koje se odnose rješenja, predmeti su uredno evidentirani u skladu sa odredbom člana 15. Odluke

Imajući u vidu gore navedeno, kao i činjenicu da se provedbom ove odluke ostvaruju dva bitna interesa Grada Sarajeva, i to promocija ugleda Grada Sarajeva, kao i prihod Gradu, potrebno je konstatovati i sljedeće:

- tri podnesena zahtjeva odnosila su se na odobravanje upotrebe imena Grada Sarajeva u nazivu pravnog lica, jedan zahtjev na upotrebu grba i imena Grada Sarajeva – SA Card društvo sa ograničenom odgovornošću i jedan zahtjev za poništenje rješenja – Fabrika duhana Sarajevo d.o.o.;
- doneseno je ukupno 5 rješenja;
- u dva rješenja donesenim po zahtjevima utvrđena je obaveza plaćanja godišnje naknade za upotrebu imena Grada Sarajeva u iznosu od 100,00 KM shodno odredbama člana 17. stav 4. Odluke, jer se radi o pravnim licima koja ne ostvaruju dobit, u jednom Rješenju, u skladu sa članom 17. stav 1. Odluke, utvrđena je obaveza plaćanja godišnje naknade za upotrebu imena i grba Grada u iznosu od 720,00 KM;
- u periodu od 01.10.2020. godine do 01.10.2021. godine, po osnovu izdatih rješenja o upotrebi grba i imena Grada Sarajeva, ostvaren je prihod u Budžet Grada Sarajeva u iznosu od 63.880,00 KM – 71 pravni subjekt prema izdatim rješenjima ima obavezu plaćanja naknade za upotrebu imena Grada Sarajeva, i to 13 u iznosu od 4.800,00 KM, 1 u iznosu od 2.400,00 KM, 3 u iznosu od 1.200,00 KM, 11 u iznosu od 720,00 KM, jedan u iznosu od 400,00 KM i 43 u iznosu od 100,00 KM.;
- očekivani prihod u Budžet Grada Sarajeva po ovom osnovu za 2021. godinu iznosi 81.020,00 KM.